



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus III. De particularibus quibus bellis injustis.

---

[urn:nbn:de:hbz:466:1-73064](#)

dicendum tamen, procedere de quolibet duello etiam privato ex condicō, juxta datam definitionem n. 920. postea verò idem decretū poenale extensum esse etiam ad duella privata, per decretum Pii IV. Greg. XIII. Clem. VIII. ut fūsē tradit Sanchez cit. à n. 20. Nam dictum decretum Tridentini, & constitutiones nominatorum Pontificum loquuntur de quolibet duello illicito; ita Sanch. cit. n. 24. Not. 2. excommunicationem in decreto Trid. contentam, esse latæ sententia, respectu omnium personarum, quæ ibi expressæ sunt; Suarez d. 23. f. ult. num. 11. Not. 3. post constitutionem Clementis VIII. eam excommunicationem esse reservatam Papæ, etiam cùm incurrit ex duello privato; nec ab ea Religiosos absolvere posse virtute suorum privilegiorum, concedentium absolutionis dandæ facultatem ab omnibus casibus Papæ, ut expressè notat Sanchez n. 27. Not. 4. dictam excommunicationem non incurrere duelli spectatores, qui, illuc tranfuentes, obiter duellum aspicerent; & ideo Gregorius XIII. in sua Constitut. addit. *Spectatores ex proposito*. Sic Barbos. cit. n. 8. in c. 1. de torneament. n. 2. Not. 5. quod ut pugna seu monomachia sit propriè duellum prohibitum, debeat esse *ex condicō*, seu ut rectè observat Gonzalez, *ex communī consensu constituto die, ac loco pugnae*.

933 Hinc collig. pugnam duorum, *sine condicō*, seu consensu, & conventione mutua pugnandi constituto die, ac loco, non habere rationem *duelli proprie dicti*, prout subjecti poenis duelli; cùm constitutio penalis intelligenda sit de duello strictè sumpto; nec etiam, si quidem intercessit provocatio, & acceptatio condicō die, & loco, si eorum unus comparuit quidem in præfixo termino loci, & temporis, sed discessit, *duello, seu pugna non secuta*. Quia sic non verificatur, *commissam esse pugnam ex condicō*. Sic Graffis, Comitolus, Bonacina, & Sanchez l. 2. c. 39. n. 29. apud Barbos. in Trid. sess. 25. de Reform. c. 19. n. 12. contra Ugo-linum, & alios ibidem.

### ARTICULUS. III.

*De particularibus quibusdam bellis injustis.*

934 **D**E his aliquam duntaxat insinuationem facere placet, ut aliqua saltem habeatur notitia significati per eos terrai-

nos, seu verba, quibus exponuntur. Ejusmodi sunt, *seditio, rixa, tumultus, diffidatio*, & similia, cùm per decursum in hoc libro mentionem eorum fieri non infrequenter contingat. *Seditio* à bello differt; bella enim ad hostes pertinent; seditiones ad cives. Rectè igitur seditio definitur in jure civili, *quietis publicæ perturbatio* l. 1. & 2. C. de seditionis. Seditionem concitantes, seu seditionis, capite plectuntur, ut notatur L. *denunciamus*, C. de his, qui ad Eccles. confug. Qui verò in jure dici debent *seditionis*, exponit Bart. & Jo. Bap. Cast. ad L. *Capitalium*, §. famosos, ff. de fur. ibi: *seditionarius*, dicitur *excommunicatus*, qui turbat Ecclesiam per forinsecam potestatem, l. 1. q. 3, c. 7. Cives, qui defendunt bonum communem, resistentes perturbatoribus recipublicæ: (ut notat Albericus in Diction. V. *Seditio*) non sunt dicendi seditionis; sicut nec *rixiſ*, qui se ipsis defendunt. Coeterum

*Rixa* nomen fictitium est, à ringendo, quod canum est, quando irritantur. Definitur *pugna inter privatas personas*, & intelligitur factio, non verbis tantum, L. *si ex plaga*, §. 1. ff. ad L. Aquil. & L. *si rixa*, ff. de Sicar. ex litibus, & contentione nascitur, L. *Servus*, ff. de act. & oblig. & est saltē inter duos, L. *si non convitus*. C. de injur. Hinc *rixiſ* idem est, quod *contentiosus factio*; & *rixiari*, quod jurgari, seu contendere *factio*, & non solum verbis.

*Tumultus* (de quo fit mentio in jure ci-vili l. 2. ff. ad Legem Julianam Majest. & l. pen. ff. ad l. Corneliam de Sicariis) dicitur, *quaſi timor multus*, & propriè est bellum aliquod subitum, quod ob periculi magnitudinem, hostiumque vicinitatem, magnam urbi trepidationem incutit. Eleganter describit *tumultus* M. Tullius 8. Philipp. quid aliud (inquit) est tumultus, nisi *perturbatio tan-ta, ut major timor oriatur?* Unde & nomen ductum *Tumultus*, quasi timor multus. Hinc tumultuarii milites dicuntur raptim, & festinanter electi; & coacti.


*Diffidationem* Castropalaus cit. p. 1. tr. 6. 935 d. 5. p. 7. n. 3. & Pereyra in Elucid. n. 604. definit, esse pugnam, quæ sine conditionibus, quas habet duellum propriè dictum, conventione tamen partium suscipitur. Olim, qui bellum alicui inferre constituit, tenebatur eum prius per Legatos (qui *Feiales*, vel *Caduceatores* appellabantur) vel per literas monere, ut præstet, quod debet, aut rem, quam per violentiam detinet; reddat; si ad-

ver-

versarius hac denuntiatione spretā, & neglectā, petitioni locum dare recusabat, simul bellum indicebatur per Feciales. Et hunc indicendi belli modum, *diffidationem* vocabant; id, quod etiam in Germania nostra vigebat, *da das Faust Recht noch galte*/ ut notat Lehman in Chronic. Spirens. l. 5. c. 112, apud Besold. in Thesaur. practic. sub lit. A. V. *Absagung/ Feind/ Brieff/ ubi definitur, quod sit denuntiatio animi hostilis,* quā quis alii cuiquam significat, se eum armis, igne, spoliis & rapinis persecutrum.

At post pacem publicam sancitam, wann einer einem absagt / oder ihm Feindschafft zuschreibt / oder Brand/ Zeichen stectet / und ihme mit Raub/

Brand / Mord / zu beschädigen bedraut/ und befchedet / solches wird für hoch/ sträffliches Feinden geachtet / teste Joachim. à Beust. ad L. admonendi 31. n. 1179. verl. *quia vero* ff. de jurejur. Diffidationem vocant Authores communiter speciem violatae pacis publicæ; ut tamen propriè talis sit, non sufficit; quod diffidatus sit persona singularis, seu privata; aut diffidator alteri certum præcisè genus damni minetur; quia diffidatio debet generaliter mala quacunque hostilia minari, alioquin habenda sunt illa dicta pro minis, & non pro dissidatione, nec ut talis punienda. Sed de his V. Haunoldum tom. 6. de Jure & Just. tr. 2. à n. 159.



## QVÆSTIO XV.

### IN TITULUM XV. DE SAGITTARIIS.

937 **B**arbosa hic n. 2. per *Sagittarios* intelligit eos, qui fodere cum dæmonie inito, ei devovent corpus, & animam, si longissime dissitos ferire, & trahicere possint, quos voluerint. Pirhing h. t. illos, qui exercent artem in jaciendis sagittis. Zoësus autem eos, qui in bello exercent usum in sagitis, & sagittis jaciendis. Probabilius est

juxta hunc postremum sensum hic accipi *Sagittarios*; & hujus artis exercitium in c. unico h. t. prohiberi Christianis sub pena excommunicationis adversus Christianos in bello justo; in bello enim justo contra iniuste bellantem uti licet quibuscumque armis, uti etiam in bello, quod Christiani justè gerunt contra infideles.

## QUÆSTIO XVI.

### IN TITULUM XVI. DE ADULTERIIS, ET STUPRO.

938 **D**ulterium est alieni thori violatio, c. fin. 32. q. 6. Si Vir conjugatus peccet cum soluta, est adulterium simplex, ex parte Viri tantum; si solitus peccet cum conjugata, est adulterium simplex ex parte fœminæ tantum: si peccet conjugatus cum conjugata, est adulterium duplex, nimis ratione utriusque, quod verum est, licet mu-

lier, vel vir sit tantum sponsus, vel sponsa de præsenti; non autem, si solum de futuro. Not, autem in dictis casibus ejusmodi peccatum, *de jure canonico*, semper censerti adulterium, etiam si unus peccantium sit solitus: *de jure autem civili*, solus concubitus mulieris conjugatae cum soluto, vel alieno conjugato dicitur adulterium per ordinem ad pénas, jure decretas in adulteros. Sic Julius Clarus l. 5. sentent. V. adulterium,

Tom. V.

Ce

n. 2.